

S2651-7

897

胃腑方

胃腑脈論

反胃
嘔吐噦逆
噎塞

胃虛實
喉龍論
脹滿

千金方衍義

十九

孫真人千金方衍義卷十六

長洲張璐路王著

南沙席世臣鄂客校

胃腑方 凡八類

△胃腑脈論第一 論一首

論曰胃腑者主脾也口脣者是其候也脾合氣於胃胃者水穀之腑也號倉庫守內畜吏重二筋十四兩迂曲屈伸長一尺六寸大一尺五寸徑五寸受水穀三斗五升其中當畱穀二斗水一斗五升廣膈大頸張胸五穀乃容而滿上焦泄氣出其精微慄悍滑疾

下焦下漑泄諸小腸此腸胃所受水穀之數也平人
則不然胃滿則腸虛腸滿則胃虛更滿更虛氣得上
下五臟安定血脈和利精神乃居故神者水穀精氣
也五臟不足調於胃故腸胃之中當留穀二斗四升
水一斗一升故人一日再至後甲乙後二升半一日
中五升七日五七三斗五升而留水穀盡故平人不
飲不食七日而死者水穀精氣津液皆盡故七日而
死矣

右手關上陽絕者無胃脈也若吞酸頭痛胃中有冷
刺是太陰治陰在足大指本節後一寸

右手關上陽實者，胃實也。若腸中伏伏，一作不思食，得食不能消，刺足陽明治陽。在足上動脈，脈浮而芤，浮則爲陽，芤則爲陰。浮芤相搏，胃氣生熱，其陽則絕。跌陽脈浮大者，此胃家微虛煩，固必日再行，動作頭痛重，熱氣朝者屬胃。

胃脈搏堅而長，其色赤，當病折髀，其栗而散者，當病食痺，髀痛病先發於胃，脹滿五日之腎，小腹腰脊痛，脛痠，三日之膀胱，背脊筋痛，小便閉，五日上之心脾，心痛，閉塞不通，身痛體重。靈樞云三日上之心脾，半後夏日映，胃病者，腹臞脹，胃脘當心而痛，上支兩

脇膈咽不通、飲食不下、下取三里、

飲食不下、膈塞不通、邪在胃脘、在上脘則抑而刺之、在下脘則散而去之、

胃脹者、腹滿、胃脘痛、鼻聞焦臭、妨於食、大便難、

胃瘧令人旦病也、善飢而不能食、食而支滿、腹大刺、足陽明太陰橫脈出血、

胃中有癖、食冷物者痛不能食、食熱則能食、脾前受病移於胃、脾咳不已、嘔吐長蟲、

厥氣客於胃、則夢飲、

診得胃脈、病形何如、曰、胃脈實則脹、虛則洩、脾應肉、

脘肉脘堅大者胃厚肉脘磨者胃薄肉脘小而磨者
胃不堅肉脘不稱其身者胃下胃下者腕約肉脘不
堅者胃緩肉脘無小果累標緊者胃急肉脘多小果
累者胃結胃結者胃土腕約不利
扁鵲云足太陰與陽明爲表裏脾胃若病實則傷熱
熱則引水漿常渴虛則傷寒寒則芒飢常痛發於風
水其根在胃先從四肢起腹滿大通身腫方見治水

篇中

胃絕不治五日死何以知之舌腫溺血大便赤泄

足陽明之脈起於鼻交頰中旁約大腸之脈下循鼻

外上入齒中、還出俠口環唇、下交承漿、却循頤、後下廉、出大迎、循頰、車上耳前、過客主人、循髮際、至額顛、其支者、從大迎前下、人迎、循喉嚨、入缺盆、下膈、屬胃絡脾、其直者、從缺盆下、乳內廉、下俠臍、入氣衝中、其支者、起胃口、下循腹裏、下至氣衝中、而合以下髀關、抵伏兔、下膝、入臏中、下循胫、外廉、下足跗、入中指內間、其支者、下膝三寸、而別以下入申指、外間、其支者、別跗上、入大指間、出其端也、動則病悽悽、振寒、善伸數欠、顏黑、病至惡、人與火聞木音則惕然而驚、心欲動、獨閉戶牖而處、甚則欲上高而歌、棄衣而走、責襪

腹脹是為胃厥是主血所生病者狂瘧温淫汗出齕
衄口喎唇緊頸腫喉痺大腹水腫膝臏腫痛循膺乳
氣衝股伏兔胛外廉足跗上皆痛中指不用氣盛則
身以前皆熱其有餘於胃則消穀善飢滿色黃氣不足則
身以前皆寒慄胃中寒則脹滿盛者則人迎大三倍
於寸口虛者則人迎反小於寸口也

△胃虛實第二

脈二首 方三首 灸法一首

胃實熱

右手關上脈陽實者足陽明經也病苦頭痛

脈經作腹中堅

痛面熱汗不出如温瘧唇口乾善噦乳癰缺盆腋下腫

痛名曰胃實熱也

瀉胃熱湯方

梔子仁

射干

升麻

茯苓

各三兩

芍藥

四兩

白朮

五兩

赤蜜

生地汁

各一升

右八味咬咀以水七升煮取三升半去滓下地黃

汁煮兩沸次下蜜煮取三升分三服老少以意量

減

衍義

瀉熱反用白朮可見瀉胃之熱而非瀉胃之實也

方用升麻專走陽明開發胃熱地黃滋陰退陽赤

蜜和胃解毒射干散腹中結氣梔子仁滋胃中熱
氣芍藥治邪氣腹痛茯苓守五臟正氣而佐白朮
除熱消食之功祛邪養正全賴苓朮之力耳

胃中熱病

灸三里三十壯穴在膝下三寸

胃虛冷

右手關上脈陽虛者足陽明經也病苦脛寒不得臥

惡風寒灑灑目急腹痛虛鳴

外臺作耳虛鳴

時寒時熱唇口

乾面目浮腫名曰胃虛冷也

補胃湯治少氣口苦身體無澤方

柏子仁

防風

細辛

桂心

橘皮

川芎

吳茱萸

人參

甘艸

右九味咬咀以水一斗煮取三升分爲三服

衍義

胃中虛冷、而用萸桂甘橘之屬、人所同然、至於防

柏芎辛祛風逐濕等味、非深達土中瀉木之義、茫

然不解何意也。

人參散 補胃虛寒身枯絕諸骨節皆痛方

人參

甘艸

細辛

麥冬

桂心

當歸

各七分

乾薑 二兩

遠志 一兩

吳茱萸 二分

川椒 三分

右十味治下飭食後温酒服方寸匕

衍義

胃氣虛寒、而用參甘薑桂椒萸志辛辛温散逆亦

人所其喻、其外當歸麥冬、一以主身枯骨痛、一以

滋諸味辛燥也。

△喉嚨論第三 論一首

論曰、喉龍者、脾胃之候也、主通利水穀之道、往來神

氣若臟熱、喉則腫塞、氣不通、烏髮膏主之。方見第六卷中若

腑寒、喉則耿耿、如物常欲窒、癢痺涎唾、母薑酒主之。

方見第
六卷中
熱則開之、寒則通之、不熱不寒、依臟調之、

△反胃第四

脈二首
灸法三首
方十三首

寸緊尺濇、其人胸滿不能食而吐、吐止者為下之故、不能食、設言未止者、此為胃反、故尺為之微濇、

跌陽脈浮而濇、浮即為虛、濇即傷脾、脾傷即不磨、朝食暮吐、暮食朝吐、宿穀不化、名胃反、跌陽脈緊而濇、其病難治、

治胃虛反食下喉便吐方

人參 一兩

澤瀉

甘艸

桂心 各二兩

橘皮

乾薑 各三兩

茯苓 四兩

竹茹 五兩

大黃 六兩

右九味咬咀以水八升煮取三升一服七合日三夜一已利者去大黃

衍義

反胃皆由胃虛穀氣留泊蘊為濁濕阻積於中所以飲食隨之上逆故用大黃甘艸湯領之下達加參薑以助二味之力并取五苓散中之三降泄水逆於下橘皮竹茹開發痰氣於上也

治胃反吐逆不消食吐不止方

人參

桂心

澤瀉 各二兩

茯苓 四兩

橘皮

甘艸

黃芪 各三兩

大黃 一兩半

生薑 八兩

半夏 一升

麥冬 三升

右十一味。咬咀。以水一斗二升。煮取三升。二合一

服八合。日三夜一。羸人六合。已利去大黃。

術義

前以濁濕內蘊。故用金匱大黃。甘艸湯祛之下達。

此以痰飲上逆。故用金匱小半夏湯豁之內通。前

以人參佐大黃蕩滌之力。此以大黃佐半夏開發

之功。前以竹茹橘皮佐乾薑人參。開發於上。此以

麥冬黃芪佐茯苓桂心。通調於下。皆因勢利導之

法。

治反胃而渴方

茯苓

澤瀉

半夏

各四兩

桂心

甘艸

各二兩

右五味咬咀以水五升煮取二升分三服

入生薑四兩

衍義

胃反而渴良由水逆阻遏津氣遊溢之道故南陽

主以五苓利水通津其渴自止此以痰涎挾水飲

上逆乃以甘艸半夏易猪苓白朮但取三味利水

足矣

治胃反朝食暮吐食訖腹中刺痛此由久冷方

橘皮 三兩

甘艸

厚朴

茯苓

桂心

細辛

杏仁

竹皮

檳榔

箭胡

人參

生薑

右十二味。咬咀。以水一斗三升。煮取三升。分爲三服。一方有柑皮二兩。

衍義

穀入則痛。胃氣雖虛。尙能與邪交逆。所以激痛如刺。其食停滯。經日乃吐。脾氣雖衰。尙有濁氣阻逆。不得作純虛例治。故用細辛桂心破結氣。杏仁前

胡降逆氣。厚朴檳榔泄滯氣。生薑橘皮逐痰氣。人

參甘艸培胃氣、茯苓竹茹清神氣、濁氣散而清氣安、脾氣運而穀氣進、津氣布而正氣復。

又方

橘皮

三兩

人參

白朮

各二兩

桂心

一兩

川椒

一百二十粒

薤白

握

右六味、咬咀、以水二升、漬一宿、內羊肚中、縫合、以

三升水、煮水盡、出之、決破、去滓、分三服。

衍義

亦治朝食暮吐、腹中刺痛、彼用厚朴、檳榔、此用薤

白、同為泄滯氣之藥、氣雖少變而功用不殊。

又反胃大驗方

前胡

生薑 各四兩

橘皮 三兩

阿膠 一兩

大麻仁 五合

桂心 三寸

甘艸 五寸

吳茱萸 四合

大棗 十枚

右九味咬咀以水三升酒二升煮取一升七合分

二服

衍義

反胃多屬胃虛氣滯。惟此方獨主津血枯涸。下咽

澀難。所以專取阿膠麻仁滋血潤燥。前胡薑橘降

氣止逆。桂心吳茱萸溫中下氣。甘艸大棗益胃和

脾。脾胃枯涸故無慮於棗之膩滯也。

華佗治胃反為病。朝食暮吐。心下堅如杯。升往來

寒熱吐逆不下食此為關上寒澼所作將成肺痿治之方

真珠

丹砂

雄黃 各三兩

朴硝 五兩

乾薑 十累

右五味為末蜜和丸如梧子大先食服三九若小
煩者飲水自解然無所忌神良無比 一方用桂
心一兩

衍義

寒澼結聚心下將成肺痿而見胃氣反逆心神不
安故千金效元化法而用真珠丹砂以安神氣雄
黃朴硝以辟毒邪稍取乾薑以散肺寒寒澼散而

嘔逆止胃氣和而肺氣溫矣

治胃反食即吐方

搗粟米作麵水和作丸楮子大七枚爛煮內醋
中細細吞之即下便已麵亦得用之

衍義

借穀氣以安胃氣妙在酢之酸收以斂肝木乘脾
之邪不勞餘力而胃氣安和勝於湯藥之戕犯正
氣也

大半夏湯 治胃反不受食食已即嘔吐方

半夏 三升

白朮

白蜜 各升

人參 二兩

生薑 三兩

右五味咬咀用水五升和蜜揚之二三百下煮取一升半分三服

衍義

金匱大半夏湯本治胃反嘔逆取人參助半夏之祛痰白蜜滋半夏之辛燥千金加白朮生薑不但佐參半之祛痰且善行白蜜之滯也

治胃反食即吐出上氣方

蘆根

茅根

各二兩切細

右二味以水四升煮取二升頓服之得下良

衍義

吐逆上氣渾是胃槁火逆上迫於肺之象蘆根茅根涼潤滋胃以調氣化味簡力專下咽可使氣平

火隨下泄矣

又方

飲白馬尿即止

又方

燒雞胍脰灰酒服男雄女雌

又方

淘小芥子曝乾為末酒服方寸七日三

衍義馬屎殺蟲雞胍脰磨積芥子開痰丹方中之

可備用也

灸法

灸兩乳下各一寸以瘡為度。又臍上一寸灸二十

壯。又灸內踝下三指稍邪向前有穴三壯。外臺戒要云二

指作一指也

治酢咽方

麩末一斤

地黃三斤

右二味合搗日乾酒服三方寸七日三

衍義

曲直作酸故用地黃之鮮者以清木鬱之火麩末

以行地黃之性

治噫氣酢咽方

吳茱萸半斤

生薑三兩

人參一兩

大棗 十一枚

右四味咬咀以水六升煮取二升先食服一合日

再

義術 吳茱萸湯本治食穀欲嘔乃胃虛氣滯而逆上故

南陽以人參助氣大棗運脾精吳萸下逆氣生薑止嘔吐千金治噫氣酢咽亦不出是方也

治中散 食後吐酸水方

乾薑

吳茱萸 各二兩

右二味治下篩酒服方寸七日二胃冷服之驗

義術 食後吐酸木邪乘土以胃氣虛寒非從治之法無

以散虛陽之上逆。

△嘔吐噦逆第五

論一首 脈一首

方二十四首 灸法十五首

夫吐家形狀如新臥起脈來陽緊陰數其人食已卽吐陽浮而數亦爲吐寸口脈緊而芤緊卽爲寒芤卽爲虛寒虛相搏脈爲陰結而遲其人卽噎關上數其人則吐跌陽脈微而澀微卽下利澀卽吐逆穀不得入跌陽脈浮者胃氣虛也寒氣在上憂氣在下二氣并爭但出不入其人卽嘔而不能食恐怖如死寬緩卽瘥嘔而脈弱小便復利身有微熱見厥難治論曰凡服湯嘔逆不入腹者先以甘艸三兩水三升

煮取二升服之得吐但服之不吐益佳消息定然後服餘湯卽流利便不吐也凡嘔者多食生薑此是嘔家聖藥。

半夏湯

治逆氣心中煩悶氣滿嘔吐氣上方

一名

小茯苓湯

半夏 一升

生薑 一斤

茯苓

桂心 各五兩

右四味咬咀以水八升煮取二升半分三服若少

氣加甘艸二兩

衍義

金匱小半夏加茯苓湯治心下痞膈間有水氣眩

悸千金祖胡洽方加桂一味上攝虛陽下導水逆
豈但治嘔吐而已哉

小半夏加茯苓湯 治諸嘔噦心下堅痞膈間有

水痰眩悸 方見後十八卷
大腸腑痰飲問

前胡湯 治寒熱嘔逆少氣心下堅聚膨脹滿不

得食寒熱消渴補不足方

前胡 生薑 各三兩

甘艸

朴硝 湯成下 大黃 別浸各二兩

茯苓

半夏 麥冬 當歸

芍藥 滑石 石膏

栝樓根

黃芩

附子

人參

各一兩

右十六味、咬咀、以水一斗二升、煮取六升、分四服

衍義

寒熱嘔逆、故用前胡、黃芩、半夏、生薑、少氣、故用參

苓、歸芍、甘艸、附子、心下堅滿、不得食、故用硝黃、消

渴、故用麥冬、栝樓、滑石、石膏、寒熱補瀉之法、萃於

一方矣。

治嘔吐、四肢痺冷、短氣、腹熱、三焦不調、方

前胡

川芎

甘艸

當歸

石膏

人參

桂心

橘皮各二兩

芍藥三兩

半夏四兩

生薑五兩

大棗三十枚

右十二味咬咀以水一斗二升下黃芩三兩合煮

取三升分三服 一方不用黃芩

義同

此以三焦真火式微不能溫養中土而致嘔逆因

彷彿前方而用前芩薑半歸芍參甘下氣溫中諸

味但取石膏以治標熱桂心以代附子川芎以佐

歸芍橘皮以佐薑半大棗以佐參甘以無堅滿故

無取於硝黃以無消渴故無取於麥冬枯樓滑石

其立法校前略平學人不難效用也

小麥湯 治嘔吐不止方

小麥 一升

人參

厚朴 各四兩

茯苓 三兩

甘草 一兩

青竹茹 二兩

薑汁 三合

右七味咬咀以水八升煮取三升去滓分二服

循義

嘔屬肝氣之逆、麥為肝穀、大能補肝氣、滋臟燥、然

必產於河北者為良、南方土地卑濕、能助濕熱、入

藥非宜、加以參苓甘艸、培養胃氣、厚朴生薑、清理

痰濕、竹茹專主虛煩嘔渴、藉此以瀉標熱、旺氣也、

猪苓散 治嘔而膈上塞方

猪苓

茯苓

白米

各三兩

右三味治下篩以飲服方寸七日三渴者多飲水

衍義

金匱猪苓散治嘔吐思水千金借治嘔而膈塞總

屬胃虛水停心下故用白朮健胃茯苓利水不必

全用五苓也

犀角人參飲子

治嘔逆胃氣虛邪風熱不下食

並皆治之方

犀角

人參

各二兩

薤白

五兩

粟米 一合

右四味咬咀以水五升煮至二升下米煮令米熟

分四服相去人行七里久進一服

衍義

四味並走陽明入胃腑共襄祛邪匡正之功犀散
血熱雖泄滯氣人參益胃粟米進食食進滯散何
有嘔逆之患乎

治嘔噦方

人參 一兩

大麻子 八合一作胡麻仁

橘皮 十兩

枇杷葉 八兩

右四味咬咀以水一斗煮枇杷葉取五升下藥煮
取三升內麻仁稍飲之

衍義 諺云病深者其聲噦噦而且嘔胃虛氣逆可知人

參專資胃氣麻仁專滋津氣橘皮專散滯氣枇杷葉專降逆氣也

治氣厥嘔噦不得息方

豉 一升

半夏 八兩

生薑 二兩

人參

前胡

桂心

甘艸 各一兩

右七味咬咀以水九升煮取三升分爲三服

又方

豉 一升

橘皮 二兩

生薑

甘艸 各一兩

附子 一枚

大棗 十五枚

衍義

右六味咬咀以水九升煮取二升分爲三服日三

嘔吐而加氣厥宿病而更感異氣也故用香豉前

胡解散暴邪半夏生薑宣通痰氣人參甘艸培護

本虛桂心匡正祛邪全在辛溫之力○又方主治

較前證稍異前證受寒較淺略借桂心佐人參溫

散之功則前胡香豉便得領邪外出此證感寒特

甚非藉附子峻溫之力暴邪何從得解人參亦未

便輕投僅取甘艸大棗保守中州橘皮清理胃氣

與前方中用半夏不殊也○

橘皮湯一治嘔噦若手足厥冷者方

橘皮 四兩

生薑 半斤

右二味咬咀以水七升煮取三升分三服不止更

合服之

半夏乾薑散

治乾嘔吐逆吐涎沫者方

半夏

乾薑

等分

右二味為散取方寸匕漿水一升半煮取七合

服之日三

大黃甘艸湯

治食已即吐方

大黃

四兩

甘艸

二兩

右二味咬咀以水三升煮取一升半分再服

衍義

橘皮湯主嘔噦厥冷良由濁痰阻遏清陽不得旁

達四末但須橘皮生薑滌除痰垢不得妄議溫經

也一半夏乾薑散主乾嘔吐涎沫又屬胃氣

虛寒則半夏乾薑在所必用尤妙在漿水之酸收

固斂津液也一大黃甘艸湯主食已即吐故用大

黃以下胃熱降逆氣甘艸以和胃氣致津液也頓

千金於嘔噦取金匱三方首治手足厥冷反不用

乾薑溫理中氣而用生薑以通陽氣次治乾嘔吐

涎沫反不用生薑止嘔下氣而用乾薑滌除寒飲

三治食已即吐反不用薑半辛溫治嘔而用大黃

止逆下氣夫病在少陽則有三禁此病本在胃苟
非大黃急下以除上逆之邪則津液悉隨痰涎上
涌變證百出故毫不以苦寒傷犯中州爲慮也趙
以德曰胃素有熱食復入之兩熱相衝不得停留
用大黃下熱甘艸和胃按仲景旣云欲吐者不可
下又用大黃甘艸湯治食已卽吐何也曰欲吐者
病在上因而越之可也逆之使下則必憤亂而益
甚旣吐矣吐而不已有升無降當逆折之使其下
行故用大黃丹溪曰凡病吐者切不可下近於困
矣

治春夏時行傷寒寒傷於胃胃冷變哕方

橘皮

桂心

葛根

各二兩

白茅根

一升

右四味咬咀以水六升煮取三升分三服數進服盡更右有熱去桂

衍義

寒邪傷胃而變哕故用橘皮開胃氣桂心除胃寒

葛根解胃邪茅根化胃熱熱化邪散時行之氣無容畱之地矣

治傷寒後噦乾嘔不下食方

蘆根

青竹茹

各一升

粳米

三合

生薑二兩

右四味咬咀以水五升煮取二升分三服不止服

二劑

又方

蘆根

切一升

橘皮

通艸

各三兩

粳米

三合

右四味咬咀以水四升煮取一升半分三服

治病人乾嘔方

取羊乳汁飲一杯

衍義

噦有胃寒胃熱之辨寒則聲怯而稀熱則聲濁而

類此治熱噦故用蘆根竹茹以化胃熱粳米以滋
胃氣薑汁以散胃逆一又方以通艸橘皮通胃氣
粳米滋胃津蘆根化胃熱彼用薑汁此用橘皮彼
用竹茹此用通艸彼以熱盛故用竹茹此以氣上
故用通艸氣有餘便是火也一羊乳滋燥故治乾
嘔

治噦方

煮豉三升飲汁佳

又方

空腹服薑汁一升

又方

煮蘆根濃汁飲之

治惡心方

苦瓠穰并子一升碎以酒水三升煮取一升頓服須臾吐并下蝦蟇衣三升

又方

服童子小便百日佳

又方

麻子一升熬令香熟搗取酒三升熟研濾取一升飲盡日二服服盡一石瘥

治食飲輒吐方

頓服生熟湯三升卽止

衍義

豉汁治時行犯胃之噦

薑汁治痰氣上膈之噦

蘆根汁治熱邪傷中之噦

茗瓠酒治脹閉舌

滿之噦

童子小便治陰火上逆之噦

麻子酒

治燥結不通之噦

生熟水治陰陽交錯之噦丹

方諸治辨證不果未可漫投至苦瓠酒大苦傷胃

辨證雖果苟非頑夫亦難輕子劫奪也

灸法

乾嘔不止粥食湯藥皆吐灸手關使三十壯若四厥

脹沉絕不至者灸之便通

病人乾嘔灸心主尺澤佳 又法灸乳下一寸三十

壯

治噦灸承漿七壯炷如麥大 又灸臍下四指七壯

吐逆嘔不得食灸心膺百壯

吐嘔逆不得下食今日食明日吐者灸膈膺百壯

吐變不得下食灸胸膈百壯

吐逆不得食灸巨闕五十壯

吐逆食不止灸胃脘百壯三報

吐逆飲食却出灸脾募百壯三報

章門之也

吐嘔宿汁吞酸灸神光一名膽募百壯三報甲乙經云日

期門下五分

吐逆霍亂吐血灸手心主五十壯

噫噦膈中氣閉塞灸腋下聚毛下附脇宛宛中五十

壯

噫噦嘔逆灸石關百壯

噎塞第六論一首方三十五首

五噎丸 治胸中久寒嘔逆逆氣飲食不下結食

不消方 古今錄驗云五噎者氣噎憂噎勞噎食噎思噎氣噎者心悸上下不通噎噦不

轍胸脇苦痛憂噎者天庭苦厥逆心下悸動手足通冷勞噎者苦氣膈脇下支滿胸中填塞手

足逆冷不能自渴食噎者食無多少惟胸中苦塞常痛不得喘息思噎者心悸動喜怒目視眈眈此皆憂恚曠怒寒氣上入胸脇所致也

乾薑 川椒 食茱萸

桂心 人參 各五分 細辛

白朮 茯苓 附子 各四分

橘皮 六分

右十味為末蜜丸如梧子大酒服三九日三不止

稍加至十丸

衍義

五噎五膈方書皆類一門而于金獨以五膈隸之

肺臟究其所因良由胃虛不能游溢精氣於脾所

以氣噎不通脾衰不能散精上歸於肺所以食膈
不下原其受病雖有氣食憂勞之不同總緣思慮
氣鬱之所致素問明言膈寒閉絕上下不通暴憂
之病也所以五噎丸首取薑黃溫散胃氣於中椒
辛開發肺氣於上桂附收攝腎氣於下則參苓朮
橘得諸辛溫鼓舞之力何憚氣噎不除并可預杜
隔塞之患

又方 治五禎之氣皆令人噎方

人參

半夏

桂心

防風

一作防

小艸

附子

細辛

甘州各二兩

紫苑

乾薑

食茱萸

芍藥

烏頭

各六分

枳實

三兩

右十四味爲末蜜丸如梧子大酒服五九日三不

止加至十五丸烏頭與半夏相反但去一味合之

衍義

五種之氣卽五噎五膈之謂方中烏頭開風寒濕

痺卽五噎丸中川椒之變半夏祛痰濕卽白朮之

變枳實助脾健運卽橘皮之變芍藥益氣利小便

卽茯苓之變紫苑潤肺散結氣卽五膈丸中麥冬

之變小艸通腎氣卽遠志之變取其利竅去濕故

以防風佐之其間薑辛荳蔻附子人參甘艸辛溫
破結辟邪養正之味無庸變換也方後云烏頭與
半夏相反但去一味合之此必後人贅入半夏烏
頭並用專取激發奏功金匱赤丸成法也

竹皮湯治噎聲不出方

竹皮一用竹葉

細辛各二兩

甘艸

生薑

通艸

人參

茯苓

桂心

麻黃

五味子

各一兩

右十味咬咀以水一斗煮竹皮減二升去竹皮下

藥煮取三升分三服

衍義

噎本胃病加以暴寒折之所以聲痞不出但欲徹

外邪先固正氣麻黃細辛專散暴邪生薑通艸專

通聲氣人參茯苓專培本元竹皮清肺胃之虛火

桂心助參苓之溫補五味收麻黃之開發甘艸和

斂散之味也

乾薑湯

治飲食嘔噎方

集驗名
半夏湯

乾薑

石膏

各四兩

人參

桂心

栝蘆根

集驗作栝
梗各二兩

甘艸

一兩

半夏

小麥

各一升

吳茱萸

二升

赤小豆

三十粒

右十味咬咀以酒五升水一斗煮棗二十枚去滓合煮取三升分三服

衍義

此因胃氣之虛寒不能運化水穀之精微蘊釀而成本寒標熱之病非寒熱補瀉之兼投何以解虛實反正之糾結詳方中人參甘艸乾薑黃桂以治本寒石膏以化標熱半夏栝藹一熱一寒分解脾濕上逆之痰飲於中小麥小豆開泄木邪內蘊之虛火於下其襄洗滌之功舉世但知柴胡白芍和解肝邪本通車前降泄火氣曷知穀菽有如此之

妙用哉

通氣湯

治胸滿氣噎方

半夏

八兩

生薑

六兩

桂心

三兩

大棗

三十枝

右四味咬咀

以水八升煮取三升分五服日三夜

二

義術

通氣者解散胸中逆滿之痰以通噎塞之氣也薑

半所以豁痰桂心所以開結大棗以布脾胃之津

氣也

羚羊角湯

治氣不通不得食方

羚羊角

通艸

橘皮

各二兩

吳茱萸

厚朴

乾薑

各三兩

烏頭

五枚

右七味咬咀以水九升煮取三升分三服日二
又方

杏仁

桂心

各三兩

右二味為末蜜丸如棗大稍稍咽之臨食先含彌
佳

衍義

通艸以下諸

味皆辛溫利竅之品獨羚羊一味伐

肝散邪故

金取治噎塞以其性專通達善祛胃

中痰濕逆滿之氣也 又方杏仁下氣桂心散結

結散氣下而噎逆之病除矣

治卒噎方

滿口著蜜食之即下

又方

刮杵頭細糠含之即下神驗

治諸噎方

常食乾粳米飯即不噎

又方

末火炭蜜丸如彈子大含少少咽即下

又方

老牛涎如棗大內水中飲之終身不復噎

術義

卒噎知非宿病但取蜜之潤澤不須湯藥反傷胃

氣也 又方取杵頭糠之轉動以助胃氣之健運

又治諸噎常食乾飯令少少進緩緩嚙使無頓

傷胃氣之虞 火炭丸者火能生土并取黑色下

達之義 牛涎治噎膈反胃專取坤土之津以滋

胃氣之結與牛齒艸之意不殊

論曰凡療病者皆以其類至如治噎之法以鷓鴣治

骨哽狸虎骨治魚哽至於竹篴薤白嚼筋綿蜜等事

乃可以通爲諸哽用耳

治諸哽方

以鹿筋漬令濡合而索之大如彈丸以線繫持筋端吞之入喉推至哽處徐徐引之哽著筋出

又方

以竹篾刮令滑淨綿裹內咽中令至哽處可進退引之哽卽隨出

又方

用綿二兩以蜜煎使熱外薄哽所在處灼瓠以熨綿上若故未出復著一段綿代用并以皂莢

屑少少吹鼻中使得嚏哽出

又方

薤白煮令半熟小嚼之以線繫薤中央捉線吞
薤下喉至哽處牽引哽卽出矣

治哽咽方

虎骨末或狸骨服方寸匕

又方

服瞿麥末方寸匕

治魚骨哽方

鷓鴣屎服方寸匕

又方

服橋皮湯

又方

服沙糖水

又方

魚網燒灰服方寸匕

必效方云取魚網覆其頭立下

治骨鯁在喉眾治不出方

取飴糖丸如雞子黃大吞之不去更吞漸大作

丸可至十九

又方

燒虎狼屎服之

又方

吞猪膏加雞子不瘡更吞

治食中吞髮咽不去繞喉方

取亂髮燒灰酒服一錢七

治吞錢方

艾蒿五兩以水五升煮取一升頓服卽下

又方

服蜜二升卽出

又方

末火炭酒服方寸七水服亦得

治吞金銀釵環方

白糖二觔一頓漸漸食之多食亦佳

誤吞環及指強方

燒雁毛二七枚未服之亦得

誤吞釵方

曝菲合萎蒸熟勿切食一束卽出或生麥葉筋
縷如韭法皆可用但力意多食自消

誤吞銅鐵方

燒銅弩牙合赤丙酒中飲之立愈

誤吞釘鍼及箭鏃方

但多食猪脂肥肉令飽自裏出

誤吞鍼方

取懸鍼磁石末飲服方寸七卽下

古今錄驗云吞鍼在喉中

而服磁末入腹若舍磁石於口中吸鍼而出

衍義 治硬之方多用智巧或用相制隨宜取用可也

脹滿第七

論一首一方八首
灸法十一首

論曰病者腹滿按而不痛者為虛按之痛者為實也
夫腹中滿不減減不足言此當下之舌黃未下者下
之黃自去腹滿時減復如故此為寒當得溫藥腹滿

口中苦乾燥腹間有水是飲 跗陽脈微弦法當腹

滿不滿者必下部閉塞大便難兩腳下疼痛此虛寒

氣從下上也當以溫藥服之取瘥腹滿轉痛來趣小

腹為欲自下利也 一云腹中痛若轉氣下趣小腹為欲自利

溫胃湯 治胃氣不平時脹咳不能食方

附子 當歸 厚朴

人參 橘皮 芍藥

甘草 各一兩 乾薑 五分 川椒 三合

右九味咬咀以水九升煮取三升分三服

衍義 方下雖云治胃氣不平時脹欬不能食而實虛寒

從下上之的方方中椒薑附子治逆上之寒參甘
歸芍資病患之虛橘皮厚朴泄脹滿之氣也此治
虛寒從下上之脹滿與其積在脇下偏痛用大黃
附子湯之法截然兩途

大半夏湯 治胃中虛冷腹滿塞下氣方

半夏 一升

大棗

二十枚

甘艸

附子

當歸

人參

厚朴

茯苓

枳實

各二兩

桂心

五兩

生薑

八兩

川椒

二百粒

右十二味以水一斗煮取三升分二服

義行 金匱治胃反嘔逆大半夏湯止人參半夏白蜜三

味此以胃虛腹滿故去蜜之膩滯加椒薑附子以

散寒結枳實厚朴以泄腹滿當歸茯苓以和血氣

生薑大棗以和榮衛甘艸代白蜜之和脾并和椒

薑附子之烈也

附子粳米湯 治腹中塞氣脹滿腸鳴切痛胸脇

逆滿嘔吐方

附子 一枚

半夏

粳米

各半升

甘艸 一兩

大棗

十枚

右五味㕮咀以水八升煮米熟去滓每服一升日

三服

集驗方加乾薑二兩

衍義

此方本諸金匱專取附子鼓舞梗米溫胃為主半

夏滌除痰垢甘艸大棗通行脾胃之津氣也

厚朴三物湯 治腹滿氣脹方

厚朴 半斤

大黃 四兩

陳枳實

大者五枚

右咬咀以水一斗二升煮取五升內大黃煎取三升去滓服一升腹中轉動者勿服不動者更服

一方加芫硝二兩

厚朴七物湯

治腹滿發熱十日脈浮而數飲食

如故方

厚朴 半斤

甘艸

大黃 各三兩

大棗 十枚

枳實 五枚

桂心 二兩

生薑 五兩

右咬咀以水一斗煮取五升去滓內大黃煮取四升服八合日三嘔逆者加半夏五合利者去大黃寒多者加生薑至半斤

衍義

小承氣湯治陽明府實熱結在裏大便不通故以

大黃為主厚朴枳實佐之厚朴三物湯金匱治腹

滿氣脹故以厚朴為主大黃枳實佐之厚朴七

物湯金匱治腹滿發執十日脈浮而數飲食如故

知裏邪未實表證未盡乃以三物厚朴湯合桂枝
加大黃湯於中除去芍藥之助陰而加枳實厚朴
以泄滿二方治例世本皆交錯誤刻數百年來會
無一人為之歸正醫道之憤憤不獨在於今日也
吳茱萸湯 治久寒胸脇逆滿不得食方

吳茱萸

半夏

小麥

各一升

甘艸

人參

桂心

各二兩

生薑

八兩

大棗

二十枚

右八味咬咀以酒五升水三升煮取三升分三服

術

吳茱萸湯在陽明例中治食穀欲嘔在金匱方中

除嘔而胸滿專取茱萸下逆氣人參補正氣大棗
安中氣生薑去穢氣千金加半夏開痰氣小麥通
肝氣桂心溫血氣甘艸和胃氣也

大桂湯 治虛羸胸脇滿方

桂心 生薑 各一斤 半夏 一升

黃芪 四兩

右四味咬咀以水一斗半煮取五升分五服日二

夜二

初義 虛脹胸滿本氣虛寒濁氣上逆故用桂心散濁氣

薑半豁痰氣黃芪固榮氣專為虛羸藉此以溫分

肉實腠理爲補虛之上乘世爲黃芪氣滯服之令人胸滿曷知黃芪在補益劑中不無助滿之虞在溫散藥中能令諸味留泊於中轉助開胸之力非洞達澀因澀用之奧難以語此
治男子卒勞內傷汗出中風腹脹大飢食不下心痛小便赤黃時白大便不利方

大黃

葶藶

寒水石

苦參

黃連

栝蔞根

等分

右六味爲末蜜丸以豉汁和飲服如梧子大三九

日三加至十九

義 卒勞內傷非虛羸久困之比腹脹大非虛寒從下

邪上之比溺黃大便不利非津枯脾約之比故用一

中派若寒開通閉塞何慮熱邪不隨手平復乎

灸法

臏脹脇腹滿灸臑臑百壯三報

胸滿心腹積聚痞痛灸肝臑百壯三報

脹滿水腫灸脾臑隨年壯三報

腹中氣脹引脊痛多飲食身羸瘦名曰食晦先取脾

臑後取季臑

臑臑積聚脹滿羸瘦不能飲食灸三焦臑隨年壯

脹滿雷鳴灸大腸腧百壯三報

脹滿氣聚寒冷灸胃腕百壯三報穴在鳩尾下三寸

腹滿脹繞臍結痛堅不能食灸中守百壯穴在臍上

一寸一名水分

脹滿痕聚滯下痛冷灸氣海十壯穴在臍下一寸忌

不可鍼

脹滿氣如水腫狀小腹堅如石灸膀胱募百壯穴在

中極臍下四寸

脹滿腎冷痕積泄利灸太樞百壯穴在臍傍相對橫

去臍兩傍各三寸

痼冷積熱第八

論二首 灸法一首

脈一條

方二十首

附寒疝骨蒸

論曰凡人中寒者喜欠其人清涕出發熱色和者善噫凡覘病者未脈望之口燥清涕出善噫欠此人中寒其人下痢以裏虛故也欲噫不能此人腹中痛凡寒脈沉弦脈雙弦者寒也弦脈狀如弓張弦按之不移脈弦數者當下其寒脈雙弦而遲者心下堅脈大而緊者腸中有陰可下之右手寸口脈弦者即脇下拘急而痛其人澀澀惡寒師曰遲者為寒澀為無血寸口脈微尺中緊而澀緊即為寒微即為虛澀即為血不足故知發汗而復下之

露宿丸 主寒冷百病方

礞石

桂心

附子

乾薑

各三兩

右四味為末蜜丸如梧子大每服十九日三後稍

加之

又方 治遇冷氣心下結緊嘔逆寒食不消并主

傷寒晨夜觸寒冷惡氣方

礞石

桂心

附子

烏頭

各四兩

右四味為末蜜丸如胡豆大以酒服三九日二加

至十九藥耐寒忌熟食近火宜冷飲食

大露宿丸

方見第十七卷
肺臟氣極門

衍義

露宿者形寒飲冷致病故用礬石之大辛大熱以

治腹中堅癖邪氣兼取附子桂心乾薑壯其雄烈

以破癖冷沉寒能助陽氣內充即使霜行露宿亦

可無虞又方除去乾薑易入烏頭專禦風毒外

邪不致內犯中氣藥雖峻而功用不凡又首方

加皂莢桔梗名大露宿丸專主氣極肺傷而此門

亦取用之以有吹噓清涕脈弦腹痛等證故借搜

肺之藥以辟胃腑痺著之邪

治痼冷風眩寒中手足冷胃口寒臍下冷百病五
勞七傷第一令人能食二強盛三益氣四有子

神驗方

大豆

三升半

中生地

十五斤取汁

烏頭

一百五十枚

右三味以除日咬咀烏頭以酒一斗半和生地汁
浸烏頭至破日絞去滓內豆藥汁中至除日出暴
之有汁更浸曝之至汁盡藥成初服從二九起可
至二十豆酒服之有病空腹服無病食後服四時
合並得二月三月為上時藥令人能食益氣盛有

子髮白反黑齒落重生先病熱人不可服

衍義

下冷上眩良由腎虛風氣內陷火不生土不能

鎮虛陽而致不時運動故取地黃汁和酒浸烏江
滋血祛風製黑大豆中引入腎經深得峻藥緩攻
之妙

治小腹痼冷百治不瘥方

麩末 三升

白朮 五兩

乾薑

桂心 各三兩

川椒

吳茱萸 各二兩

右六味治下篩以米飲服方寸七日二不過五劑
諸冷頓瘥無忌空腹服之

此以水土虛寒不能健運故用薑桂椒萸以助麩

衍義

木之消磨也

治積年冷病方

川椒 二兩

香豉 一升

右二味搗椒為末和豉更搗三千杵丸如彈丸大食前酒服日再

衍義

川椒治積年冷病香豉散胸中陳氣也

治諸冷極醫所不治方

馬藺子九升淨治去土空腹服一合日三飲及酒下之服訖須與以食壓之取瘥乃止

衍義

馬藺性溫善走能治中外寒熱濕痺等病故本經

言主皮膚寒熱胃中熱氣不獨治諸冷極也

赤丸 治寒氣厥逆方

茯苓

桂心

各四兩

細辛

一兩

烏頭

附子

各二兩

射罔

如棗大一枚

右六味為末內真硃為色蜜丸如麻子空腹酒服

一丸日再夜二不知加至二丸以知為度一方用

半夏四兩

衍義

金匱赤丸方止四味妙在烏頭半夏之反激並用

千金乃裁汰半夏改用桂附射罔雖悍烈過於半

夏然不若反激之力最勝真硃力能交濟坎離收

攝虛火或云是緣礬煅造平治土藏有溫散之專
功無傷中之叵測

半夏湯 治胸滿有氣心腹中冷方

半夏 一升
桂心 四兩
生薑 八兩

右三味咬咀以水七升煮取二升一服七合日三
服

生薑湯 溫中下氣方

生薑 一斤
甘草 三兩
桂心 四兩

右三味咬咀以水六升煮取一升半一服五合日

三服

義

半夏湯以薑半開胸中痰滿桂心散腹中冷氣

生薑湯中甘草欵留薑桂之性以盡溫中之力也

甘艸湯 治虛羸憒憒氣欲絕方

甘艸

五味子

生薑

各二兩

人參 一兩

吳茱萸

一升

右五味咬咀以水四升煮茱萸令小沸去滓內藥

煮取一升六合分二服服數劑佳

茱萸消石湯 治久寒不欲飲食數十年澀飲方

吳茱萸

八合

消石

一升

生薑

一斤

右三味以酒一斗水解合得二斗煮藥取四升服

二升病卽下去勿更服也初下如泔後如汚泥若
如沐滓吐者更可服養加乳婦法

衍義

參薑吳萸溫中散寒乃吳茱萸湯之變方彼用大
棗以行脾津此用甘艸以和胃氣五味子以收津
液也 茱萸消石湯亦吳茱萸湯之變法於中削
去參棗改用消石蕩練冷積但取薑黃溫中下氣
更一君主而主治迥然

大建中湯 治心胸中大寒大痛嘔不能飲食飲

食下咽自知僞從一而下流有聲泱泱然若履

中寒氣上衝皮起出見有頭足上下而痛其頭

不可觸近方

川椒 二合

乾薑 四兩

人參 二兩

膠飴 一升

右四味咬咀以水四升者取二升去滓內飴微火
煮令得一升半分二服服湯如一炊頃可飲粥二
升許更服當一日食糜更服之

衍義

虛寒積聚之治此方最力故千金效金匱用之其
方中人參輔椒薑濕散之法人皆得之至於膠飴
為助滿之首列而反用以治病嘔不能食是專用
助滿之味引領椒薑人參為泄滿之通使方知大

桂湯中用黃芪之注從此犯出

大黃附子湯 治脇下偏痛發熱其脈緊急此其

也當以溫藥下之之方

大黃 三兩

附子 三枚

細辛 二兩

右三味咬咀以水五升者取二升分再服

衍義

少陰病始得之反發熱脈沉用麻黃附子細辛湯

以治太陽少陰之兩感此治脇下偏痛發熱脈緊

變表法為下法立大黃附子湯以治寒從下上之

瑕積咸賴附子把守氣陽不隨汗下亡脫設無發

熱外證豈不可變大黃附子甘艸之治乎况治食

則吐之大黃甘艸湯金匱千金具有成法始知
好是之方不在規矩之外也

論曰正氣脈弦而緊弦則衛氣不行衛氣不行即惡
寒寒則不能飲食弦緊相搏即為寒疝跌陽脈浮而
遲浮即為風虛遲即為寒疝凡瘦人繞臍痛必有風
令穀氣不行而反下之其氣必衝不衝者心下則痞
大烏頭湯 主寒疝繞臍苦痛發即自汗出手足

厥寒其脈沉弦者方

仲景名
切烏頭煎

烏頭大者五枚熬黑不切以水三升煎取一升
去滓內白蜜二斤煎令水氣盡得二升強人服

七合羸人五合子服未效明日更服每日止一服不可再也

烏頭桂枝湯 治寒疝腹中痛逆冷手足不仁若

一身盡痛灸刺諸藥不能治方

秋乾烏頭

實中者五枚除去角

白蜜 一斤

右二味以蜜煎烏頭減半去滓以桂枝湯五合解

之令得一升許初服二合不知更進三合復不知

加至五合其知者如醉狀得吐者為中病也 桂

枝湯方見傷寒門中

外臺方以水二升半煮桂取一升和蜜合前一升許服

寒疝用烏頭恐其烈性迅發故用蜜煎使之留戀

行義

以緩破結之力 又烏頭煎治寒疝其力專矣故
見手足不仁一身盡痛又爲木鬱風生風淫末疾
肝風內動之象故以烏頭煎解桂枝湯中使內風
仍從內散卽有外風亦不出是方之神妙也

論曰凡人患大熱皆須候脈若大大熱者不得一準
方用藥皆準病用藥大熱不可那者當兩倍三倍大
大熱者乃至十倍用之乃可制之爾有人苦熱不已
皆由服石所致種種服餌不能制止惟朴硝煎可以
定之有金者貴高人所加也

朴硝煎方

朴硝 一斤

芒硝 半斤

石膏

金 各二兩

寒水石

四兩如無石鹽代之

右五味先內二硝於八升湯中攪令消以紙密封一宿取清內銅器中別搗寒水石石膏碎加豆粒以絹袋盛之內汁中以微火煎候其上有漠起以筋投中箸筋如凌雪凝白急下瀉貯盆中待凝取出烈日曝乾稍熱困悶不已者以方寸匕白蜜一合和冷水五合攪和令消頓服之日二熱定即止之

衍義

膏梁金石皆高貴之所常嗜受如持虛每致熱發

毒蘊百治罔效惟朴硝煎可以蕩練臟腑專取石藥之寒以治石藥之毒如水沃火頃刻冰消貴高人加金以治五金之毒皆同氣相招之意

五石湯 治胃間熱熱病後不除煩悶口中乾渴

方

寒水石

硝石

赤石脂

栝蒌根

龍骨

牡蠣

黃芩

甘艸

知母

石膏

桂心

大黃

各三分

各五分

二分

右十二味咬咀以水七升煮取三升分四服日三

夜一 諸本只
有四石

衍義

此於風引湯中除去滑石之傷津易赤石脂以固
脫因有煩熱口乾是以除去乾薑之燥烈紫白石
英之慄悍并易黃芩知母括蕒根清熱滋津之味
更易四味而功用迥然矣

竹葉湯 治五心熱手足煩疼口乾唇燥胸中熱

方

竹葉

小麥 各一
升

知母

石膏 各三
兩

茯苓

黃芩

麥冬 各二
兩

人參 一兩

括蕒根

半夏

甘艸 各一兩

生薑 五兩

右十二味咬咀以水一斗二升煮竹葉小麥取八升去滓內藥煮取三升分三服老少分五服

衍義

竹葉石膏湯本治大病後虛羸煩渴千金乃於本方中除去粳米之益胃易入小麥以清肝加栝藹根以佐麥冬茯苓以佐人參黃芩以佐石膏生薑以佐半夏仍用白虎湯中知母以佐竹葉以治胃氣暴虛之煩渴固為合劑設見陰邪上逆之煩渴曷不效既濟湯法少加熟附以導虛熱乎

半夏湯

治胸中客熱心中煩滿氣上大小便難

方

半夏 一升

生薑 八兩

前胡 四兩

茯苓

白朮 各五兩

杏仁

枳實 各三兩

人參

黃芩 各二兩

甘艸 一兩

右十味咬咀以水九升煮取三升分三服胸中大熱者況冷服之大小便澀者加大黃二兩一方

用梔子仁二兩為十一味

衍義

胸中客熱良由風熱內陷所致故以前胡黃芩杏

仁開提於上枳實半夏生薑疎豁於中參朮苓甘

護持正氣不使傷犯津液自然胃氣安和二便如常矣

承氣湯 治氣結胸中熱在胃腕飲食嘔逆渴方

前胡

枳實

桂心

大黃

寒水石

知母

甘艸

各一兩

硝石

栝蘆根

石膏

各二兩

右十味咬咀以水一斗煮取三升分三服

義衍

承氣者承制逆上之氣也此方雖假承氣之名實

取金匱大黃甘艸湯之製以治胸中客熱加前胡

枳實以下氣知母石膏寒水栝蒌以化熱硝石桂

心為伏熱之開導也

治熱氣手足心煩熱如火方

竹葉 一升

枳實

青箱子

白前 各一兩

吳茱萸

黃芩 各半兩

栝蒌根

麥冬 各二兩

生薑 六兩

前胡 一作芍藥

半夏 各五兩

右十一味咬咀以水八升煮取二升分三服

衍義

熱邪擾於四末手足心熱如火故用前胡白前下

氣薑半枳實開痰竹葉黃芩化熱栝蒌麥冬回津

氣下痰開熱化津回而火白熄青稍吳黃並走厥
陰一為清火之通津一為辟熱之嚮導

地黃煎 治熱方

地黃汁 四升
三合

茯神

知母

萎蕤 各四
兩

栝萋根 五
兩

竹瀝 三合
一用竹葉

薑汁

白蜜

麥冬汁

鮮骨皮 各二
升

石膏 八
兩

右十一味咬咀以水一斗二升先煮諸藥取汁三
升去滓下竹瀝地黃麥冬汁微火熬四五沸下蜜
薑汁微火煎取六升初服四合日三夜一加至六

七合四月五月作散服之

衍義

腎氣不能上蒸於肺肺胃枯槁不能滋其化源而致煩渴便難故用涼潤諸味潤血生津單取薑之辛以開結滯之氣

治積熱方

枳實

黃芩

大黃

黃連

芫硝

各二兩

右五味為末蜜丸如梧子大空心酒服三十九加

至四十九日一服

衍義積熱而用大黃黃連瀉心湯更加枳實芫硝兼合

承氣但不用厚朴之辛淺氣耳

治膈上熱方

苦參 十兩

元參 五兩

麥冬 三兩

車前子 三兩

右四味爲末蜜丸如梧子大一服十五丸日二服

衍義

熱在膈上故用麥冬滋肺氣苦參下結氣元參清

咽氣車前泄滯氣也

細丸治客熱結寒不流利方

大黃

葶藶 各三兩

香豉 三合

杏仁

巴豆 各五分

右五味為末蜜丸如梧子大每日飲服二丸以利
為度

行義

熱結不通而用葶藶大黃滌除結熱熬黑杏仁滌
除痰垢但以巴豆之辛烈易去芫硝之苦降乃大
陷胸合走馬湯之製叅入香豉以緩巴豆之烈并
散胸中懊懣之氣也

治骨蒸羸瘦煩悶短氣喘息鼻張日西即發方

龍膽

川連

栝蘘根

各一兩

芫硝

半兩

梔子

十枚

苦參

大黃

黃芩

芍藥

清菴子

各二兩

右十味為末蜜丸如梧子大飲服二九日二以知

為度 一方無苦參已下止五味

張文仲為散飲方寸七

衍義

羸瘦骨蒸似乎虛熱而煩悶短氣喘息鼻張審非

肺氣之絕即是五臟苑熱故用三黃瀉心苦參瀉

腎芩硝瀉脾梔子栝萸瀉肺龍膽青稍瀉肝即使

骨蒸羸瘦亦是火極傷陰殊非陰虛發熱之謂

治骨蒸方

天靈蓋如梳大炙令黃碎以水五升煮取二十

分三服起死人神方

又方

水服芫硝一方寸七日二服神良

衍義

天靈蓋治傳屍殭凍之神方

芫硝乃救熱存陰

之要藥虛實補瀉主治天淵

治五臟熱及身體熱脈弦急者方

灸第十四椎與臍相當五十壯老小增損之若

虛寒至百日橫三間寸灸之

孫真人千金方衍義卷十六

終